



ATLET SEPAK TAKRAW UPM DOMINASI PASUKAN UNIVERSITI MALAYSIA

Seramai 6 orang atlet Sepak Takraw UPM telah terpilih bagi mewakili pasukan Sepak Takraw Universiti Malaysia ke Kejohanan Tahunan Malaysia-Thailand (MASTHAI) ke-12 yang telah diadakan pada 10-13 September 2019 bertempat di Korat, Thailand. Selain daripada atlet Sepak Takraw UPM, turut terlibat dalam pembentukan pasukan Universiti Malaysia ke kejohanan tahunan ini ialah 3 orang atlet Bola Tampar Wanita UPM dan 3 orang atlet Ping Pong UPM. Pasukan Sepak Takraw Malaysia telah dilatih oleh Encik Ahmad Sufi Mohamed Hashim yang merupakan jurulatih pasukan Sepak Takraw UPM.



SEMINAR PENGURUSAN KEJOHANAN SUKAN KOLEJ UPM 2019/2020

Seminar Pengurusan Kejohanan Sukan Kolej UPM bagi sesi 2019/2020 diadakan bertujuan memberi pendedahan awal kepada kolej-kolej UPM dalam menguruskan penyertaan pasukan dan persediaan atlet bagi menghadapi kejohanan sukan kolej yang bermula pada 17 September 2019. Seminar tersebut telah melibatkan Majlis Perwakilan Kolej (MPK), Felo Kolej dan wakil-wakil pelajar kolej. Seminar Pengurusan Sukan Kolej 2019/2020 telah dirasmikan oleh YBhg. Prof. Dr. Mohd Roslan Sulaiman, Timbalan Naib Canselor Hal Ehwal Pelajar & Alumni (HEPA) pada 15 September 2019 bertempat di Dewan Taklimat Serdang, UPM.



READ@UPMSC

Pusat Sukan UPM telah menyediakan sudut bacaan bagi pengguna-pengguna yang datang untuk berurusan di Pusat Sukan UPM. Sudut bacaan ini dilengkapi dengan pelbagai bahan bacaan seperti majalah-majalah sukan, buku novel, majalah kesihatan dan buku-buku keluaran UPM.



PASUKAN ROWING UPM UNGGULI THE PUTRAJAYA BOAT RACE 2019

Pasukan Rowing UPM telah berjaya menewaskan pasukan daripada Universiti Malaya (UM) sekaligus dinobatkan sebagai juara dalam kategori universiti lelaki dan wanita dalam Kejohanan The Putrajaya Boat Race 2019. Dengan kejayaan yang dimiliki tersebut telah menjadikan pasukan UPM sebagai juara sulung dalam kejohanan yang julung kali diadakan ini. Hadiah para pemenang telah disampaikan oleh Perdana Menteri Malaysia, YAB Tun Dr. Mahathir Mohamad yang merupakan pencetus ilham pelaksanaan kejohanan tersebut.



MAJLIS PERASMIAN KEJOHANAN SUKAN KOLEJ UPM SESI 2019/2020

Majlis Perasmian Kejohanan Sukan Kolej UPM bagi sesi 2019/2020 telah diadakan di Stadium UPM pada 4 Oktober 2019. Majlis tersebut telah disempurnakan oleh YBrs. Prof Madya Dr. Mohd Azani Alias, Pengurus Jemaah Pengetua, Kolej Kediaman UPM selaku wakil Timbalan Naib Canselor Hal Ehwal Pelajar UPM.

Majlis Perasmian yang penuh gemilang dan wama warni tersebut telah dihiasi dengan pelbagai coretan daripada 9 kolej yang akan bersaing dalam kejohanan sukan kolej UPM bagi sesi 2019/2020.



UPM BAKAL MILIKI STADIUM BESBOL PERTAMA DI MALAYSIA

Pusat Sukan UPM telah mengadakan Majlis Pecah Tanah Padang Besbol UPM yang telah disempurnakan oleh DYTM Syed Faizuddin Putra Ibni Tuanku Syed Sirajuddin Jamalullail, Raja Muda Perlis pada 24 Oktober 2019. Majlis yang diadakan ini adalah simbolik kepada permulaan bagi pembinaan stadium Besbol pertama di peringkat Institusi Pengajian Tinggi dan negara.

Lokasi pembinaan stadium Besbol yang berkeluasan 11 ekar ini telah mendapat persetujuan daripada pihak pengurusan UPM dan Pusat Sukan UPM akan menjadi pen-eraju dalam pembinaan stadium tersebut.

Pembinaan padang Besbol ini adalah selaras dengan pembangunan sukan Besbol di Malaysia dan universiti. Padang ini adalah yang pertama dibina khas untuk sukan Besbol dan dijangka akan digunakan secara pesat di pelbagai peringkat kejohanan dan menjadikan UPM sebagai pusat pembangunan sukan Besbol negara.



PENYERTAAN KEJOHANAN PASUKAN UPM (SEPTEMBER & OKTOBER 2019)

Bil.	Kejohanan	Tarikh	Tempat	Peringkat Kejohanan	Pencapaian
1.	Higher Education Sports Fest (HESF)	29 Oktober - 1 November 2019	Universiti Teknikal Malaysia Melaka (UTeM)	Kementerian Pendidikan Malaysia	Naib Johan Keseluruhan 9 Emas, 9 Perak, 2 Gangsa
2.	Kejohanan Golf IPT 2019	28-30 Oktober 2019	Royal Seri Menanti Golf Club, Negeri Sembilan	Kementerian Pendidikan Malaysia	Johan Nett Berpasukan & Naib Johan Nett Individu Lelaki
4.	Kejohanan 1st KPM-PST Nilai Uni. Fencing 2019	9-13 Oktober 2019	Universiti Nilai	Kementerian Pendidikan Malaysia	Ke-4 Epee Individu Wanita Naib Johan & Gangsa- Sabre Lelaki
5.	Kejohanan Menembak 10M IPT dan Jemputan Kebangsaan kali ke-5, 2019	2-6 Oktober 2019	Universiti Pertahanan Nasional Malaysia	Kebangsaan	5 Emas, 4 Perak & 2 Gangsa
6.	4th Johor International Archery 2019	2-6 Oktober 2019	Dataran Bandaraya Johor Bahru	Antarabangsa	5 Emas, 1 Perak & 3 Gangsa

KEPUTUSAN KEJOHANAN SUKAN KOLEJ UPM SEMESTER 1, SESI 2019/2020

Berikut merupakan keputusan kejohanan sukan Kolej UPM bagi semester 1, sesi 2019:

Bil.	Acara	Kategori Lelaki		Kategori Wanita	
		Johan	Naib Johan	Johan	Naib Johan
1.	Badminton	KTDI A	KOSASS A	K17	KTDI B
2.	Futsal	KTDI A	KPZ B	KPZ A	KTDI A
3.	Sofbol	K13	K10	KPZ A	KOSASS A
4.	Merentas Kampus	K10	KTDI	K17	K10
5.	Lari Berganti-Ganti Jalan Raya	KTDI	K10	KTDI	K17

*Keputusan perlawanan sehingga 26 Oktober 2019

